

## **Forum Beneficiale, Sive Quæstiones & Responsa Canonica**

Materiam De Beneficiis Universam Ex Beneficialistarum tam antiquorum,  
quàm recentiorum placitis complectentia. Opus methodo novâ, & clarâ in  
tres digestum Partes ... accuratè, ac copiosè instructae

De Provisione Et Obtentione Beneficiariorvm

**Leuren, Peter**

**Coloniæ Agrippinæ, 1704**

115. An, & qualiter Papa deroget patronatibus ecclesiasticis.

---

[urn:nbn:de:hbz:466:1-74485](#)

dicitur assequi vel obtinere ex novo jure, sed retinere seu continuare jure primævo. Card. de Luca. in sum. juris patronatus n. 10. De cetero, si qui alii contingunt, quamvis nimium rari, casus derogationis, iustum habent causam. v.g. expellendi intrusum, seu provisionaliter ad tollendas lites, scandala, seu scandalorum occasiones inter contendentes & pertinentia juris præsentandi. Idem Card. ibid.

**Quæstio 115.** An, & qualiter Papa deroget patronatibus Ecclesiasticis?

**R**espondeo: illis solere Papam in totum derogare, quod cessent ibi dictæ illa rationes; nimis ut homines non retrahantur à fundandis Ecclesiis, utpote quæ non considerantur, nisi in patronatibus laicorum, hoc est, fundatorum ex bonis patrimonialibus. Lott. n. 103. & 104. juxta gl. in c. dilectus, b. t. qui etiam dicto n. 103. idem censer de patronatibus ita mixtis, ut non præponderet qualitas laicalis, vel etiam spectantibus ad alios jure specia- li.

**Quæstio 116.** An, & quibus patronatibus derogaverit, eos revocando, Trident.?

**R**espondeo primò: Trid. sess. 25. c. 9. patronatus reliquos (intellige non competentes verè ac realiter ex fundatione & dotatione) omnes tam in beneficiis secularibus, quam regularibus, parochialibus, vel dignitatibus, aut quibuscumque aliis beneficiis in Cathedrali vel collegiata Ecclesia, seu facultates & privilegia concessa, tam in vim patronatus, quam alio quoconque jure nominandi, eligendi, præsentandi ad ea, cum vacant, (exceptis patronatibus super Cathedralibus Ecclesiis competentibus, & exceptis aliis, quæ ad Imperatorem & Reges, seu regna possidentes, aliosque sublimes ac supremos principes jura Imperii in suis dominii habentes, pertinent, & quæ in favorem studiorum generalium concessa sunt) in totum prorsus abrogata & irrita, cum quasi possessione inde securè decernit, verba hæc sunt Tridentini.

2. Sic itaque vi præsentis decreti sublati sunt patronatus ex privilegio, non autem ex fundatione & dotatione, uti expresse S. Congregatio Concil. 4. Decemb. 1586. & juxta hanc Lott. l. 2. q. 8. n. 12. Garc. p. c. 9. n. 115. Barb. juris Ecl. l. 3. c. 12. n. 63. citans Gonz. ad reg. 8. gl. 18. n. 97. Paris. &c. Procedit que id ipsum, etiam si in privilegio diceretur, quod jus patronatus concessum esset, ejusdem prorsus natura ac roboris, ac si ex fundatione & dotatione competenter, vel quale est Regum. Barb. loc. cit. ex Garc. n. 118. juxta ejusdem S. Congregationis decis. quam recitat, & Gonz. ubi ante. n. 102. cum enim sit adiustar, & non propriè Regum, aut ex fundatione, non comprehenditur sub exceptuatis, Garc. loc. cit. juxta eandem S. Congreg. declar. Quin & quod prægnatiiores sunt clausula & decreta hujusmodi, eo magis in privilegio sónant, consuetaria illa clausula: perinde ac si ex dotatione, ex vi & proprietate distinctionis illius; perinde, refolviatur rota in improprietatem & fictionem. Lott. cit. q. 8. n. 23. & 24. juxta plures Rota decis. quod idem observandum circa id, quod mox subsequitur. Item procedit, etiam si in privilegio diceretur jus patronatus competere non solum ex privilegio, sed ex vera & reali fundatione & dotatione. Barb. ibid. ex Garc. n. 117. & Gonz. n. 97. juxta decis. Rota in una Placent. parochialis. 29. & ult. Jan. 1594. quam fuisse recitat Garc. in qua et-

iam dicitur, nihil obstat, quod sic loquatur prælegium; cum clausula illa non obstante, patronatus hujusmodi passim dicuntur ex privilegio, licet habent aliquid plus prærogativa, quam patronatus ex simplici privilegio: ut Moheda de jurep. decis. II. Puteus. decis. 322. l. 1. ita tamen, ut tanta non sint potentia, ut per hoc à concilio præservantur, maxime cum concilium loquatur per verba importantia veritatem, dum vult, quod titulus sit ex fundatione & dotatione, unde impossibile est, ut porrigatur ad patronatus, qui sunt tales per fictionem, ut in simili receptum est, dum Papa per suam constitutionem decernit Notarios non participantes esse veros, & non factos familiares; nam non minus ideo dicuntur facti per prælegium & non veri, ut Castrensi. conf. 340. vol. I. Ideoque licet princeps veritatem mutare non potest, licet possit contra veritatem fingere. Atque ita dicta clausula inserta prælegio non derogant futuri constitutionibus; quia non porriguntur ad constitutiones conciliares, nisi earum nominatio facta mentio, ut Oldrad. conf. 226. n. 1. Calderini. conf. 11. de prælegio. Item procedit, dum constat de origine prælegii, vel jus patronatus præsumitur esse ex privilegio, & adeo immemorialis, hæc enim non prodest propter appositem in dicto Trid. decreto clausulam: non obstantibus quibuscumque consuetudinibus. Barbos. n. 64. citans Massobri, in pr. habendi concurs. prælud. 7. dub. 3. n. 85. Garc. n. 119. juxta decis. S. Congreg. Concilii, quam ibidem refert.

3. Respondeo secundò: nequaquam tamen Trid. dicto decreto aut alibi revocat jus patronatus ex privilegio, dum privilegium concessum ex causa onerosa, v.g. ex causa dotis, seu ex nova constructione vel alia simili causa. Lott. loc. cit. Barb. cit. n. 64. Garc. n. 120. testans sic tentum à Rota in pluribus decis. quas recitat, siquidem privilegia hujusmodi Concilium dicto c. 9. circa finem mandat examinari per Ordinarios, & quos patronatus non repererint constitutos esse in evidenter Ecclesia vel beneficii utilitatem, seu dignitatis necessitatem, hos in totum revocent, atque beneficia hujusmodi sine damno illa possidentium, & restituto patronis eo, quod ab eis idcirco datum est, in pristinum libertatis statum reducant &c. In quo decreto ait Lott. aperte dignoscitur præservatos fuisse patronatus ex privilegio oneroso, juxta repetitas Rota decis. Porro ut privilegium talis concessum censeatur ex causa onerosa, & concessio non reputetur tota gratiola, exigitur, ut onus, sive quod expensum est, equivaleat concessioni. Barb. n. 65. Lott. cit. q. 8. n. 21. Qualiter aequivalebit, si aucti sint fructus ad medietatem veri valoris anni, Lott. n. 20. & 24. Quæ verò requirantur circumstantia & conditiones, ut censeatur acquisitus patronatus per privilegium ex augmentatione dotis ad medietatem, non abrogatus, vide apud Lott. à n. 30. & dictum fuit supra. Sed neque talia jura patronatus ad beneficia non electiva concessa per privilegium ex dicta talicausa onerosa abrogantur; sed præservantur per constitutiones Innocent. 8. & Adrian. 6. præter decretum Trid. emanatum, illa anno 1485. 10. Kal. Decemb. hæc anno 1522. 9. Decemb. Lott. n. 25. & 29. Transeunt enim istiusmodi privilegia in vim contractū (qui, ut Lott. n. 27. ex Mandos ad rom. conf. 352. n. 24. sunt de jure gentium, & per principem aequè ac privatum servari debent) ac proinde, ut cadant sub decretis abrogatoriis, neceſſe est, ut in individuo de hoc fiat mentio. Lott. n. 25. & 26. citans Marechot. var. resol. l. 2. c. 40. n. 28. Felin. in c. cum olim de sent. & rejudicat. n. 5.